

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
ils 13 da zercladur 2025

Diego Giacometti 28-06 – 09-11-2025


Dals 28 da zercladur fin ils 9 da november undrescha il Museum d'art dal Grischun l'ovra dal renumà sculptur svizzer Diego Giacometti cun in'exposiziun. Per l'emprima giada vegn pia preschentada l'ovra da quest artist en moda cumplexsiva en in museum d'art.

L'exposiziun da Diego Giacometti (1902–1985) è concepida sco gronda retrospectiva cumplexsiva. Ella è deditgada ad in artist ch'è sa muventà en moda excellenta tranter lavurs applitgadas e l'art liber.

Entant che Diego Giacometti è fin ussa vegnì preschentà en la relaziun cun ses renumà frar Alberto, vul l'exposiziun undrar la lavur da quest artist sco ovra independenta. Igl è enconuscent che l'istorgia da success da Diego Giacometti cumenza pir suenter la mort d'Alberto. L'exposiziun mussa che ses operar artistic ha cumenzà bler pli baud. Per l'emprima giada pon vegnir mussadas ovras da l'artist, ch'eran per gronda part nunenconuschantas fin ussa e ch'èn stadas la basa per l'ovra posteriura.

L'exposiziun s'extenda sur tuttas duas chasas dal Museum d'art dal Grischun Cuir. Sia concepziun tegna quint dals differents puncts da vista da questa ovra: En la Villa Planta, in'anteriura chasa privata, cumparan ils objects en furma da mobigliar en il context da la Collecziun grischuna d'art cun ovras dal bab Giovanni Giacometti e dal frar Alberto Giacometti; en il tract nov percenter è il focus sin il process da las ovras ed i vegnan mussads numerus models. Ultra da quai dat l'exposiziun ina vasta invista da las furmas e dal stgazi da motiv da Diego Giacometti, il qual furma la basa da sia creaziun artistica.

L'exposiziun curatada da Stephan Kunz e Casimiro Di Crescenzo é vegnida sviluppada en stretga collavuraziun cun il „Musée des arts décoratifs“ da Paris. Per concepir l'exposiziun han ins pudì engaschar l'artist Vaclav Pozarek (*1940) ch'è sa mussà gia pliras giadas cun furmas da preschentaziun innovativas e specificas.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA




Amt für Kultur
Uffizi da cultura
Ufficio della cultura

Biografia Diego Giacometti

Diego Giacometti è naschì ils 15 da november 1902 a Borgonovo en Bregaglia, mo 13 mais suenter ses frar Alberto. Gia sco uffant sa metteva Diego savens en posa per il frar pli vegl ed al steva model per sias ovras d'art.

Suenter lungs viadis è Diego Giacometti sa rendì l'onn 1925 a Paris, nua ch'el è restà tar Alberto e l'ha sustegnì sco assistent indispensabel. El ha fatg puntanadas e culs da gip per las sculpturas. Ma Diego è daventà enconuscent a partir da l'onn 1929 er en la creaziun da mobiglias. L'emprim ha el fabritgà vasas, lampas u tschiffadas da chamins en gip u bronz, avant ch'el ha cumenzà a partir da l'onn 1950 a skizzar mobiglias. Suenter curs a l'academia d'art ha el plinavant creà sias emprimas sculpturas d'animals. Suenter la mort da ses frar l'onn 1966 è Diego sa deditgà dal tuttafatg a sia atgna ovra.

L'ultima gronda incumbensa l'ha rendì enconuscent en vasts circuls da la publicitad: la concepziun da l'interiur dal Museum Picasso a Paris. Dad el derivan il mobigliar, las spundas da las stgalas, las ferradiras dals ischs e las glischs dals palantschieus sura. Curt avant l'avertura dal Museum Picasso è Diego Giacometti mort ils 15 da zercladur 1985 a Paris. Sia fossa sa chatta sin il santeri da Borgonovo, nua ch'er ses geniturs e ses fragliuns èn vegnids sepulids.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Orientaziun a las medias

Gievgia, ils 26 da zercladur 2025, a las 10.00

Museum d'art dal Grischun, Cuiira

(annunzias: kathrin.gartmann@bkm.gr.ch, tel. 081 257 28 65)

Vernissascha

Venderdi, ils 27 da zercladur 2025, a las 18.00

Exposiziun

28-06 – 09-11-2025

mardi fin dumengia, da las 10.00 fin las 17.00

gievgia, da las 10.00 fin las 20.00

Occurrenzas

Infurmaziuns davart las occurrenzas actualas chattais Vus sin la pagina d'internet dal Museum d'art dal Grischun sut www.buendner-kunstmuseum.ch.

Contact per las medias

Museum d'art dal Grischun, Cuiira

Stephan Kunz

Directur artistic

tel. +41 81 257 28 61

stephan.kunz@bkm.gr.ch